

又如四紙彌陀經中說佛言若有男子女人或一
日七日一心專念彌陀佛名其人命欲終時阿彌
陀佛與諸聖衆自來迎接即得往生西方極樂世
界釋迦佛言我見是利故說此言即爲證也此亦
是攝生增上緣

又如四十八願中說云設我得佛十方衆生發菩
提心修諸功德至心發願欲生我國臨命終時我
不與大衆現其前者不取正覺此亦是攝生增上
緣

又如下願云設我得佛十方衆生聞我名號計念
我國至心起向願生我國不果遂者不取正覺此
亦是攝生增上緣

又如下願云設我得佛十方世界其有女人聞我
名字歡喜信樂發菩提心厭惡女身命終之後復
爲女身者不取正覺義曰乃由彌陀本願力故女
人稱佛名號正命終時即轉女身得成男子彌陀
接手菩薩扶身座寶華上隨佛往生入佛大會證
悟無生又一切女人若不因彌陀名願力者千劫
萬劫恒河沙等劫終不可得轉女身應知今或有
道俗云女人不得生淨土者此是妄說不可信也

又以此經證亦是攝生增上緣

又言證生增上緣者問曰今既言彌陀四十八願攝一切衆生得生淨土者未知攝何等衆生得生又是何人保證得生也答曰即如觀經說云佛告韋提汝今知不阿彌陀佛去此不遠汝當計念諦觀彼國淨業成者亦令未來世一切凡夫得生西方極樂國土今以此經證但是佛滅後凡夫乘佛願力定得往生即是證生增上緣

又問曰釋迦說教示悟衆生何故一種佛法即有信不信共相譏毀者有何所以答曰凡夫機性有其二種一者善性人二者惡性人其善性人一聞即捨惡行善善人二者捨邪行正善人三者捨虛行實善人四者捨非行是善人五者捨偽行真善人此五種人若能歸佛即能自利利他在家行孝在外亦利他人在望行信在朝名君子專君能盡忠節故名自性善人也言惡性人者一即誦真行爲惡人二者誦正行邪惡人三者誦是行非惡人四者誦實行虛惡人五者誦善行惡惡人又此五種人若欲願歸佛不能自利亦不利他人又在家不孝在望無信在朝名小兒事君則常懷諂佞謂

之不患又此人等於他賢德善人身上唯能敗是成非但見他惡故名自性惡人也又上至諸佛賢聖人天六道一切良善此等惡人所譏耻辱也諸有智者應知今下一具引善惡二性人道理顯然答上問竟

又下經云佛告韋提汝及衆生專心計念一處想於西方地下金幢地上衆寔莊嚴下至十三觀已來摠答上韋提二請以爲明證欲使善惡凡夫迴心起行盡得往生此亦是證生增上緣

又如下經云衆寔國土有五百億寔樓閣中

有無量天人作天伎樂此衆音中皆說念佛法僧此想成已命欲終時定生彼國又以此經證亦是證生增上緣

又如下經云佛告阿難如此妙華是本法藏比丘願力所成若欲念彼佛者當先作此華座想一一觀之皆令分明此想成者必定當生極樂世界又以此經證亦是證生增上緣

又如無量壽經云佛告阿難其有衆生生彼國者皆悉住於正定之聚十方諸佛皆共讚歎彼佛若有衆生聞其名號信心歡喜乃至一念願生彼國

欲使已下至增上緣二字行出

卽得往生住不退轉又以此經證亦是證生增上緣

又如觀經九品云一一品中所告衆生者皆是若佛在世若佛滅後五濁凡夫遇善知識勸令生信持戒念佛誦經禮讚決定往生以佛願力盡得往生此亦是證生增上緣

又如彌陀經云六方各有恒河沙等諸佛皆舒舌徧覆三千世界說誠實言若佛在世若佛滅後一切造罪凡夫但迴心念阿彌陀佛願生淨土上盡百年下至七日下日十聲三聲一聲等命欲終時

佛與聖衆自來迎接卽得往生如上六方等佛舒舌定爲凡夫作證罪滅得生若不依此證得證者六方諸佛舒舌一出口已後終不還入口自然壞爛此亦是證生增上緣

又敬白一切往生人等若聞此語卽應聲悲兩淚連劫累劫粉身碎骨報謝佛恩由來稱本心豈敢更有毛髮憚之心又白諸行人等一切罪惡凡夫尚蒙罪滅證攝得生何況聖人願生而不得去也上來摠答前問攝何等衆生得生淨土五種增上緣義竟

問曰釋迦出現爲度五濁凡夫卽以慈悲開示十惡之因報果三塗之苦又以平等智慧悟入人天迴生彌陀佛國諸經頓教文義歷然今乃有人公然不信共相誹毀者未知此人現生及死後得何罪報具引佛經與其作證令生改悔信佛大乘迴生淨土卽爲利益也答曰依佛經答者又此惡人如上五惡性分中已說竟今直引佛經以爲明證卽如十往生經云佛告山海惠菩薩汝今爲度一切衆生應當受持是經佛又告山海惠是經名爲觀阿彌陀佛色身正念解脫三昧經亦名度諸有流生死八難有緣衆生經如是受持衆生未有念佛三昧緣者是經能與作開大三昧門是經能與衆生開地獄門是經能與衆生除害人惡鬼殄滅四向悉皆安穩佛告山海惠如我所說其義如是山海惠白佛言未來衆生多有誹謗如是之人於後云何佛言於後閻浮提或有比丘比丘尼若男若女見有讀誦是經或相瞋恚心懷誹謗緣是謗正法故是人現身得諸惡重病身根不具或得聾病盲病失陰病鬼魅邪狂風冷熱痔水腫失心如_是等諸惡重病世世在身如是受苦座卧不安大

小便利亦皆不通求生求死不得謫是經故受苦如是或時死後墮於地獄八萬劫中受大苦惱百千萬世未曾聞水食之名謫是經故得罪如是或時得出生在人中作牛馬猪羊爲人所殺受大苦惱爲謫是經故後得人身常生下賤百千萬世不得自在百千萬世不見三寶名字爲謫是經故受苦如是是故無智人中莫說是經正觀正念如是之人然後與說彼此不敬是經墮於地獄彼此敬重得正解脫往生阿彌陀佛國今又以此經證故知毀敬之者佛記損益不虛應知具答前問竟

又問若佛滅後一切善惡凡夫發菩提心願生彌陀佛國者日夜計心畢此下生稱觀禮讚香華供養阿彌陀佛及觀音聖衆淨土莊嚴念念觀想三昧或成未成者現生得何功德具引佛經以爲明證欲令修學行人歡喜愛樂信受奉行答曰快問斯義卽是閉絕六道生死之因行永開常樂淨土之要門也非直彌陀稱願亦乃諸佛普皆同慶今依經具答者卽如般舟三昧經說佛告跋陀和菩薩於是念佛三昧中有四事供養飲食衣服卧具湯藥助其歡喜過去諸佛持是念阿彌陀佛三昧

四事助歡喜皆得成佛現在十方諸佛亦持是念佛三昧四事助歡喜皆得作佛未來諸佛亦持是念佛三昧四事助歡喜皆得作佛佛告跋陀和是念阿彌陀佛三昧四事助歡喜我於是三昧中說其少喻比較念佛功德譬如人壽百歲亦生即能行走至老過於疾風有人能計其道里以不跋陀和言無能計者佛言我故語汝及諸菩薩等若善男子女人取是人行處著滿中珍寔以用布施所得功德不如有人聞是念阿彌陀佛三昧四事供養助歡喜功德過上布施者千萬億倍亦非比較佛言乃往久遠不可計阿僧祇劫有佛號曰私訶提國名跋陀和有轉輪王名曰斯笈往至佛所佛知王意即為說是念佛三昧四事助歡喜王聞歡喜即持種種珍寶以散佛上王自願言持是功德令十方人天皆得安穩佛言其王終後還自生其家作太子也名梵摩達時有比丘名曰珍寔常為四部弟子說是念佛三昧時王聞之四事助歡喜即以寶物散比丘上又持衣服以供養之王與千人於比丘所出家求學是念佛三昧常與千人共承事其師經八千歲日夜無懈唯得一度聞是念

佛三昧卽入高明智却後更見六萬八千諸佛於
下一佛所皆聞是念佛三昧得成佛果佛言若人
百里千里四千里欲聞是念佛三昧必往求之何
况近而不求學者又白諸往生人等上來所引佛
教以爲明證者一一具如四事供養功德品中說
問曰准依佛教精勤苦行日夜六時禮念行道觀
想轉誦齋戒一心厭患生死畏三塗苦畢此下形
誓生淨土彌陀佛國者又恐殘殃不盡現與十惡
相應覺有斯障者云何除滅具引佛經示其方法
答曰依佛經答者卽如觀佛三昧海經說佛爲父
王及諸大衆說過去有佛名曰空王像法住世時
有四比丘破戒犯重時空王佛於夜空中出聲告
四比丘言汝之所犯名不可救欲滅罪者可入我
塔中觀我形像至心懺悔可滅此罪時四比丘萬
事俱捨一心奉教入塔於佛像前自撲懺悔如大
山崩婉轉於地號哭向佛日夜相續至死爲期捨
命已後得生空王佛國今以此經證行者等欲懺
悔時亦依此教法門佛言若我滅後佛諸弟子捨
離諸惡樂少語法日夜六時能於一時分爲少時
少分之中於須臾間念佛白毫者若不見如是等

人除却九十六億那由他恒河沙微塵劫生死之罪若復有人聞是白毫心不驚疑歡喜信受此人亦除八十億劫生死之罪若諸比丘比丘尼若男人人犯四根本十惡等罪五逆罪及謗大乘如是諸人若能懺悔日夜六時身心不息五體投地如大山崩號泣雨淚合掌向佛念佛眉間白毫相光一日至七日前四種罪不得輕微觀白毫間不見者應入塔中觀眉間白毫一日至三日合掌啼泣又暫聞亦除三劫之罪佛告父王及勅阿難吾今爲汝悉現身相光明若有不善心者若毀佛禁戒者見佛各不同時五百釋子見佛色身猶如灰人比丘千人見佛由如赤土十六居士二十四女人見佛純黑諸比丘尼見佛如銀色時諸四衆白佛我今者不見佛妙色自拔頭髮舉身投地啼泣雨淚自撲婉轉佛言善男子如來出現正爲除滅汝等罪咎汝今可稱過去七佛爲佛作禮說汝先世邪見之罪汝當向諸大德僧衆發露悔過隨順佛語於佛法衆中五體投地如大山崩向佛懺悔既懺悔已心眼得開見佛色身心大歡喜佛告諸比丘汝等先世無量劫時邪見疑師無戒虛受信施

以此因緣故墮餓鬼地獄八萬歲受苦今雖得出於無量世不見諸佛但聞佛名今見佛身如赤土色正長五尺佛說語已千比丘等向佛懺悔五體投地如大山崩悲號雨淚猶如風吹重雲四散頭發金顏既見佛已比丘歡喜發菩提心佛告父王此千比丘慙懃求法心無懈怠佛與授記同號南無光照如來已前懺悔法出觀佛三昧海經第二第三卷

佛說觀佛三昧海經密行品第十二卷第十佛告阿難未來衆生其有得是念佛三昧者觀佛諸相好者得諸佛現前三昧者當教是人密身口意莫起邪命莫生貢高若起邪命及貢高法當知此人是增上慢破滅佛法多使衆生起不善心亂和合僧顯異惑衆是惡魔伴如是惡人雖復念佛失甘露味此人生處以貢高故身恒卑小生下賤家貧窮諸衰無量惡業以爲嚴鈔如是種種衆多惡事當身防護令永不生若起如是邪命業者此邪命業猶如狂象壞蓮華池此邪命業亦復如是壞敗善根佛告阿難有念佛者當自防護勿令放逸念佛三昧人若不防護生貢高者邪命惡風吹憍慢

火燒滅善法善法者所謂一切無量禪定諸念佛
法從心想生是名功德藏佛告阿難此經名繫想
不動如是受持亦名觀佛白毫相如是受持亦名
逆順觀如來身分亦名一一毛孔分別如來身分
亦名觀三十二相八十隨形好諸智慧光明亦名
觀佛三昧海亦名念佛三昧門亦名諸佛妙華莊
嚴色身經汝好受持慎勿忘失又如大集經濟龍
品說時娑伽羅龍王請佛入宮設供佛受龍請佛
與聖衆食訖時大龍王又請說法時龍王太子名
曰華面自起佛前四支布地悲聲懺悔過去作何

罪業受此龍身又以此經證亦是懺悔至誠方法
應知一切經內皆有此文不可廣錄今畧抄三部
經以示後學除不至心作者皆知佛不虛言又如
木槌經說時有難陀國王名波瑠璃遣使來到佛
所頂禮佛足白佛言世尊我國邊小頻歲寇賊五
穀踊貴疫疾流行人民困苦我恒不得安卧如來
法藏多悉深廣我有憂務不得修行唯願世尊恃
垂慈愍賜我要法使我日夜易得修行未來世中
遠離衆苦佛告使言語卿大王若欲滅煩惱障報
障者當貫木槌子一百八以常自隨若行若坐若

卧恒當至心無分散意口稱佛陀達磨僧伽名乃
過一木樵子如是若十若二十若百若干乃至百
千萬若能滿二十萬遍身心不亂無諸諂曲者捨
命得生第三炎摩天衣食自然常受安樂得除斷
百八結業背生死流趣涅槃道獲無上果使還啓
王王大歡喜頭面禮佛遙白世尊頂受尊教我當
奉行卽勅吏民營辦木樵子以爲千具六親國戚
皆與一具王常誦念雖親軍旅亦不廢捨又作是
念世尊大慈普應一切若我此善得免長淪苦海
如來當現爲我說法王以願樂逼心三日不食佛

卽現身與諸聖衆來入宮內爲王說法又以此證
直是王心真實念念障除佛知罪滅應念而現應
知

觀念阿彌陀佛相海三昧功德法門經一卷

往生禮讚偈一卷

沙門善導集記

勸一切衆生願生西方極樂世界阿彌陀佛國六時禮讚偈

謹依大經及龍樹天親此土沙門等所造往生禮讚集在一處分作六時唯欲相續係心助成往生益亦願曉悟未聞遠沾遐代耳何者第一謹依大經釋迦及十方諸佛讚歎彌陀十二光名勸稱禮念定生彼國十九拜當日沒時禮第二謹依大經採集要文以爲禮讚偈二十四拜當初夜時禮第三

如觀經
下至誠
名至誠
心化土
卷本出
然說者
者字作

先二者
心下至
故名澹
心信卷
本柱抄
出然乃
至作及
三者回
向者至
應知他
土卷本
柱抄出

謹依龍樹菩薩願往生禮讚偈十六拜當中夜時
禮第四謹依天親菩薩願往生禮讚偈二十拜當
後夜時禮第五謹依彥琮法師願往生禮讚偈二
十一拜當晨朝時禮第六沙門善導願往生禮讚
偈謹依十六觀作二十拜當午時禮問曰今欲勸
入往生者未知若為安心起行作業定得往生彼
國土也答曰必欲生彼國土者如觀經說者具三
心必得往生何等為三一者至誠心所謂身業禮
拜彼佛口業讚歎稱揚彼佛意業專念觀察彼佛
凡起三業必須真實故名至誠心二者淡心即是

真實信心信知自身是具足煩惱凡夫善根薄少
流轉三界不出火宅今信知彌陀本弘誓願及稱
名號下至十聲一聲等定得往生乃至一念無有
疑心故名淡心三者迴向發願心所作一切善根
悉皆迴願往生故名迴向發願心具此三心必得
生也若少一心即不得生如觀經具說應知又如
天親淨土論云若有願生彼國者勸修五念門五
門若具定得往生何者為五一者身業禮拜門所
謂一心專至恭敬合掌香華供養禮拜彼阿彌陀
佛禮即專禮彼佛畢命為期不雜餘禮故名禮拜

門二者口業讚歎門所謂專意讚歎彼佛身相光明一切聖衆身相光明及彼國中一切寶莊嚴光明等故名讚歎門三者意業憶念觀察門所謂專意念觀彼佛及一切聖衆身相光明國土莊嚴等如觀經說唯除睡時恒憶恒念恒想恒觀此事等故名觀察門四者作願門所謂專心若晝若夜一切時一切處三業四威儀所作功德不問初中後皆須真實心中發願願生彼國故名作願門五者迴向門所謂專心若自作善根及一切三乘五道一一聖凡等所作善根渡生隨喜如諸佛菩薩所

作隨喜我亦如是隨喜以此隨喜善根及已所作善根皆悉與衆生共之迴向彼國故名迴向門又到彼國已得六神通迴入生死教化衆生徹窮後際心無厭足乃至成佛亦名迴向門五門既具定得往生一一門與上三心合隨起業行不問多少皆名真實業也應知又勸行四修法用策三心五念之行速得往生何者爲四一者恭敬修所謂恭敬禮拜彼佛及彼一切聖衆等故名恭敬修畢命爲期誓不中止卽是長時修二者無餘修所謂專稱彼佛名專念專想專禮專讚彼佛及一切聖衆

又菩薩
下至應
知化土
本出

等不雜餘業故名無餘修畢命為期誓不中止即
是長時修二者無間修所謂相續恭敬禮拜稱名
讚歎憶念觀察迴向發願心心相續不以餘業來
間故名無間修又不以貪瞋煩惱來間隨犯隨懺
不令隔念隔時隔日常使清淨亦名無間修畢命
為期誓不中止即是長時修又菩薩已免生死所
作善法迴求佛果即是自利教化衆生盡未來際
即是利他然今時衆生悉為煩惱繫縛未免惡道
生死等苦隨緣起行一切善根具速迴願往生阿
彌陀佛國到彼國已更無所畏如上四修自然任

又珠已下
至隨頌
佛語故
行卷中
戶抄出
然明字
上有欲

佛勸祖
本行勸
上但有者

運自利利他無不具足應知又如文殊般若云明
一行三昧唯勸獨處空閑捨諸亂意係心一佛不
觀相貌專稱名字即於念中得見彼阿彌陀佛及
一切佛等問曰何故不令作觀直遣專稱名字者
有何意也答曰乃由衆生障重境細心麤識賜神
飛觀難成就也是以大聖悲憐直勸專稱名字正
由稱名易故相續即生問曰既遣專稱一佛何故
境現即多此豈非邪正相交一多雜現也答曰佛
佛齊證形無二別縱使念一見多乖何大道理也
又如觀經云佛勸坐觀禮念等皆須面向西方者

字

最勝如樹先傾倒必隨曲故必有事礙不及向西
方但作向西想亦得問曰一切諸佛三身同證悲
智果圓亦應無二隨方禮念課稱一佛亦應得生
何故偏歎西方勸專禮念等有何義也答曰諸佛
所證平等是一若以願行來收非無因緣然彌陀
世尊本發深重誓願以光明名號攝化十方但使
信心求念上盡一形下至十聲一聲等以佛願力
易得往生是故釋迦及以諸佛勸向西為別異
耳亦非是稱念餘佛不能除障滅罪也應知若能
如上念念相續畢念為期者十即十生百即百生

以光明
等十五
字行卷
釋抄出

若欲已
下至有
三品化
土卷本
社抄出

不相續
下至正
行故化
土卷本
釋抄出
然作念

何以故無外雜緣得正念故與佛本願得相應故
不違教故隨順佛語故若欲捨專修雜業者百時
希得一二十時希得三五何以故乃由雜緣亂動
失正念故與佛本願不相應故與教相違故不順
佛語故係念不相續故憶想間斷故迴願不愆重
真實故貪瞋諸見煩惱來間斷故無有慚愧懺悔
心故懺悔有三品一要二略三廣如下具說隨意
用皆得又不相續念報彼佛恩故心生輕慢雖作
業行常與名利相應故人我自覆不親近同行善
知識故樂近雜緣自障障他往生正行故何以故

禮贊

五

報彼佛
恩雖作
行業心
生輕慢
余此下
至無一
化土卷
本經抄
出然余
字作尔
仰願已
下至應
知信卷
末在抄
出

余比日自見聞諸方道俗解行不同專雜有異但
使專意作者十卽十生修雜不至心者千中無一
此一行得失如前已辯仰願一切往生人等善自
思量已能今身願生彼國者行住坐卧必須勵心
剋己晝夜莫廢畢命為期上在一形似如少苦前
念命終後念卽生彼國長時永劫常受無為法樂
乃至成佛不經生死豈非快哉應知
第一謹依大經釋迦佛勸禮讚阿彌陀佛十二光
名求願往生一十九拜當日沒時禮取中下懺悔
亦得

南無釋迦牟尼佛等一切三寶我今誓首禮迴願
往生無量壽國

此之一佛現是今時道俗等師言三寶者卽是
福田無量若能禮之一拜卽是念報師恩以成
已行以斯一
行迴願往生

南無十方三世盡虛空徧法界微塵刹土中一切
三寶我今誓首禮迴願往生無量壽國
然十方虛空無邊三寶無盡若禮一拜卽是福
田無量功德無窮能至心禮之一拜一一佛上

一一法上一一菩薩聖僧上一一舍利上皆得
身口意業解脫分善根來資益行者以成已業
以斯一行
迴願往生

南無西方極樂世界阿彌陀佛

願共衆生成歸命 故我頂禮生彼國

問曰何故號阿彌陀答曰彌陀經及觀經云彼

佛光明無量照十方國無所障導唯觀念佛衆

生攝取不捨故名阿彌陀彼佛壽命及其人民

無量無邊阿僧祇劫故名阿彌陀又釋迦佛殷

唯觀等
十五字
行卷
抄出

十方佛讚歎彌陀光明有十一種名普勸衆生

稱名禮拜相續不斷者現世得無量功德命終

之後定得往生如無量壽經說云其有衆生遇

斯光者三垢消滅身意柔軟歡喜踊躍善心生

焉若在三塗勤苦之處見此光明無復苦惱壽

終之後皆蒙解脫無量壽佛光明顯赫照耀十

方諸佛國土莫不聞焉不但我今稱其光明一

切諸佛聲聞緣覺諸菩薩衆咸共嘆譽亦復如

是若有衆生聞其光明威神功德日夜稱說至

心不斷者隨其所願得生其國常為諸菩薩聲

聞之衆所共嘆譽稱其功德佛言我說無量壽
佛光明威神巍巍殊妙晝夜一劫尚不能盡白
諸行者當知彌陀身相光明釋迦如來一劫說
不能盡者如觀經云一一光明徧照十方世界
念佛衆生攝取不捨今既觀經有如此不思議
增上勝緣攝護行者何不相續稱觀禮念願往
生應知

南無西方極樂世界無量光佛

願共衆生咸歸命 故我頂禮生彼國

南無西方極樂世界無邊光佛

願共衆生咸歸命 故我頂禮生彼國

南無西方極樂世界無礙光佛

願共衆生咸歸命 故我頂禮生彼國

南無西方極樂世界無對光佛

願共衆生咸歸命 故我頂禮生彼國

南無西方極樂世界炎王光佛

願共衆生咸歸命 故我頂禮生彼國

南無西方極樂世界清淨光佛

願共衆生咸歸命 故我頂禮生彼國

南無西方極樂世界歡喜光佛

願共衆生成歸命

故我頂禮生彼國

南無西方極樂世界智慧光佛

願共衆生成歸命

故我頂禮生彼國

南無西方極樂世界不斷光佛

願共衆生成歸命

故我頂禮生彼國

南無西方極樂世界難思光佛

願共衆生成歸命

故我頂禮生彼國

南無西方極樂世界無稱光佛

願共衆生成歸命

故我頂禮生彼國

南無西方極樂世界超日月光佛

願共衆生成歸命

故我頂禮生彼國

南無西方極樂世界阿彌陀佛

哀愍覆護我令法種增長此世及後生願佛常攝受

願共衆生成歸命

故我頂禮生彼國

南無西方極樂世界觀世音菩薩

願共衆生成歸命

故我頂禮生彼國

南無西方極樂世界大勢至菩薩

願共衆生成歸命

故我頂禮生彼國

此二菩薩一切衆生臨命終時共持華臺授與

行者阿彌陀佛故大光明照行者身復與無數
化佛菩薩聲聞大衆等一時授手如彈指
項即得往生為報佛恩故至心禮之一拜
南無西方極樂世界諸菩薩清淨大海衆
願共衆生咸歸命 故我頂禮生彼國

此等諸菩薩亦隨佛來迎接行

者為報恩故至心禮之一拜

普為師僧父母及善知識法界衆生斷除三障同
得往生阿彌陀佛國歸命懺悔

至心懺悔

南無懺悔十方佛

願滅一切諸罪根

今將久近所修善

迴作自他安樂因

恒願一切臨終時

勝緣勝境悉現前

願觀彌陀大悲主

觀音勢至十方尊

仰願神光蒙授手

乘佛本願生彼國

懺悔迴向發願已至心歸命阿彌陀佛

次作梵

說偈發願

出寶性論

禮懺諸功德願臨命終時見無量壽佛無邊功德
身我及餘信者既見彼佛已願得離垢眼往生安
樂國成無上菩提

禮懺已一切恭敬

歸佛得菩提道心恒不退願共諸衆生迴願往生
無量壽國

歸法薩婆若得大總持門願共諸衆生迴願往生
無量壽國

歸僧息諍論同入和合海願共諸衆生迴願往生
無量壽國

願諸衆生三業清淨奉持佛教和南一切賢聖願
共諸衆生迴願往生無量壽國

諸衆生等聽說目沒無常偈

人間念念營衆務

不覺年命日夜去

如燈風中滅難期

忙忙六道無定趣

未得解脫出苦海

云何安然不驚懼

各聞強健有力時

自策自勵求常住

說此偈已更當心口發願

願弟子等臨命終時心不顛倒心不錯亂心不失

念身心無諸苦痛身心快樂如入禪定聖衆現前

乘佛本願上品往生阿彌陀佛國到彼國已得六

神通入十方界救攝苦衆生虛空法界盡我願示

如是發願已至心歸命阿彌陀佛

初夜偈云 菩薩處胎經

煩惱深無底生死海無邊度苦船未立云何樂睡眠
勇猛勤精進攝心常在禪

中夜偈云 坐禪三昧經

汝等勿抱臭屍卧

種種不淨假名人

如得重病箭入體

衆苦痛集安可眠

後夜偈云 華嚴經

時光遷流轉忽至五更初無常念念至恒與死王居

勸諸行道者勤修至無餘

平旦偈云 摩訶僧祇律

欲求寂滅樂當學沙門法衣食支身命精麤隨衆得
諸衆等今日晨朝各誦六念

日中偈云 尸迦羅衛經

人生不精進喻若樹無根採莖置日中能得幾時鮮
人命亦如是無常須臾間勸諸行道衆勤修乃至真
第二沙門善導謹依大經採集要文以為禮讚偈
二十四拜當初夜時禮懺悔同前後

南無至心歸命禮西方阿彌陀佛

彌陀智願海深廣無涯底聞名欲往生皆悉到彼國
願共諸衆生往生安樂國

此一偈
行卷
抄出

南無至心歸命禮西方阿彌陀佛

於此世界中有六十七億不退諸菩薩皆當得生彼願共諸衆生往生安樂國

南無至心歸命禮西方阿彌陀佛

小行諸菩薩及修少福者其數不可計皆當得生彼願共諸衆生往生安樂國

南無至心歸命禮西方阿彌陀佛

十方佛剎中菩薩比丘衆窮劫不可計皆當得生彼願共諸衆生往生安樂國

南無至心歸命禮西方阿彌陀佛

一切諸菩薩各齋天妙華寶香無價衣供養彌陀佛願共諸衆生往生安樂國

南無至心歸命禮西方阿彌陀佛

咸然奏天樂暢發和雅音歌歎最勝尊供養彌陀佛願共諸衆生往生安樂國

南無至心歸命禮西方阿彌陀佛

惠日照世間消除生死雲恭敬遶三迎誓首彌陀尊願共諸衆生往生安樂國

南無至心歸命禮西方阿彌陀佛

見彼嚴淨土微妙難思議因發無上心願我國亦然

願共諸衆生往生安樂國

南無至心歸命禮西方阿彌陀佛

應時無量尊動容發欣笑口出無數光徧照十方國
願共諸衆生往生安樂國

南無至心歸命禮西方阿彌陀佛

迴光圍遶身二市從頂入一切天人衆踊躍皆歡喜
願共諸衆生往生安樂國

南無至心歸命禮西方阿彌陀佛

梵聲如雷震八音暢妙響十方來正士吾悉知彼願
願共諸衆生往生安樂國

南無至心歸命禮西方阿彌陀佛

至彼嚴淨國便速得神通必於無量尊受記成等覺
願共諸衆生往生安樂國

南無至心歸命禮西方阿彌陀佛

奉事億如來飛化徧諸刹恭敬歡喜去還到安養國
願共諸衆生往生安樂國

南無至心歸命禮西方阿彌陀佛

若人無善本不得聞佛名憍慢弊懈怠難以信此法
願共諸衆生往生安樂國

南無至心歸命禮西方阿彌陀佛

此一偈
信卷本
杖抄出
然一念
作一心

已下二
偈行卷
世抄出

已下二
偈信卷
末杖抄
出然此
作斯

病世見諸佛則能信此事謙敬聞奉行踊躍大歡喜

願共諸衆生往生安樂國

南無至心歸命禮西方阿彌陀佛

其有得聞彼彌陀佛名號歡喜至一念皆當得生彼

願共諸衆生往生安樂國

南無至心歸命禮西方阿彌陀佛

設滿大千火直過聞佛名聞名歡喜讚皆當得生彼

願共諸衆生往生安樂國

南無至心歸命禮西方阿彌陀佛

萬年三寶滅此經住百千萬劫時聞一念皆當得生彼

願共諸衆生往生安樂國

南無至心歸命禮西方阿彌陀佛

佛世甚難值人有信惠難遇聞希有法此復最為難

願共諸衆生往生安樂國

南無至心歸命禮西方阿彌陀佛

自信教人信難中轉更難大悲傳普化真成報佛恩

願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受

願共諸衆生往生安樂國

南無至心歸命禮西方極樂世界觀世音菩薩
願共諸衆生往生安樂國

南無至心歸命禮西方極樂世界大勢至菩薩
願共諸衆生往生安樂國

南無至心歸命禮西方極樂世界諸菩薩清淨大
海衆

願共諸衆生往生安樂國

普為師僧父母及善知識法界衆生斷除三障同
得往生阿彌陀佛國歸命懺悔

第三謹依龍樹菩薩願往生禮讚偈一十六拜當

中夜時禮懺悔同前後

南無至心歸命禮西方阿彌陀佛

誓首天人所恭敬

阿彌陀仙兩足尊

在彼微妙安樂國

無量佛子衆圍遶

願共諸衆生往生安樂國

南無至心歸命禮西方阿彌陀佛

金色身淨如山王

奢摩他行如象步

兩目淨若青蓮華

故我頂禮彌陀尊

願共諸衆生往生安樂國

南無至心歸命禮西方阿彌陀佛

百善圓淨如滿月

威光猶如千日月

聲如天鼓俱翅羅

故我頂禮彌陀尊

願共諸衆生往生安樂國

南無至心歸命禮西方阿彌陀佛

觀音頂戴冠中住

種種妙相寶莊嚴

能伏外道魔憍慢

故我頂禮彌陀尊

願共諸衆生往生安樂國

南無至心歸命禮西方阿彌陀佛

無比無垢廣清淨

衆德皎潔如虛空

所作利益得自在

故我頂禮彌陀尊

願共諸衆生往生安樂國

南無至心歸命禮西方阿彌陀佛

十方名聞菩薩衆

無量諸魔常讚歎

為諸衆生願力住

故我頂禮彌陀尊

願共諸衆生往生安樂國

南無至心歸命禮西方阿彌陀佛

金底寶間池生華

善根所成妙臺座

於彼座上如山王

故我頂禮彌陀尊

願共諸衆生往生安樂國

南無至心歸命禮西方阿彌陀佛

十方所來諸佛子

顯現神通至安樂

瞻仰尊顏常恭敬

故我頂禮彌陀尊

願共諸衆生往生安樂國

南無至心歸命禮西方阿彌陀佛

諸有無常無我等

亦如水月電影露

為衆說法無名字

故我頂禮彌陀尊

願共諸衆生往生安樂國

南無至心歸命禮西方阿彌陀佛

彼尊佛刹無惡名

亦無女人惡道怖

衆人至心敬彼尊

故我頂禮彌陀尊

願共諸衆生往生安樂國

南無至心歸命禮西方阿彌陀佛

彼尊無量方便境

無有諸趣惡知識

往生不退至菩提

故我頂禮彌陀尊

願共諸衆生往生安樂國

南無至心歸命禮西方阿彌陀佛

我說彼尊功德事

衆善無邊如海水

所獲善根清淨者

迴施衆生生彼國

願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受
願共諸衆生往生安樂國

南無至心歸命禮西方極樂世界觀世音菩薩
願共諸衆生往生安樂國

南無至心歸命禮西方極樂世界大勢至菩薩
願共諸衆生往生安樂國

南無至心歸命禮西方極樂世界諸菩薩清淨大
海衆

願共諸衆生往生安樂國

普爲師僧父母及善知識法界衆生斷除三障同

得往生阿彌陀佛國歸命懺悔

至心懺悔

自從無始受身來

恒以十惡加衆生

不孝父母傍三寶

造作五逆不善業

以是衆罪因緣故

妻相顛倒生纏縛

應受無量生死苦

頂禮懺悔願滅除

懺悔已至心歸命阿彌陀佛

至心勸請

諸佛大慈無上尊

恒以空惠照三界

衆生盲冥不覺知

永沒生死大苦海

為拔群生離諸苦

勸請常住轉法輪

勸請已至心歸命阿彌陀佛

至心隨喜

歷劫已來懷嫉妬

我慢放逸由癡生

恒以瞋恚毒害火

焚燒智慧慈善根

今日思惟始醒悟

發大精進隨喜心

隨喜已至心歸命阿彌陀佛

至心迴向

流浪三界內癡愛入胎獄生已歸老死沈沒於苦海

我今修此福迴生安樂土

迴向已至心歸命阿彌陀佛

至心發願

願捨胎藏形往生安樂國速見彌陀佛無邊功德身

奉觀諸如來賢聖亦復然獲六神通力救攝苦眾生

虛空法界盡我願亦如是

發願已至心歸命阿彌陀佛餘悉同上法

第四謹依天親菩薩願往生禮讚偈二十拜當後

夜時禮懺悔同前後

南無至心歸命禮西方阿彌陀佛

世尊我下心歸命盡十方無礙光如來與佛教相應

願共諸衆生往生安樂國

南無至心歸命禮西方阿彌陀佛

觀彼世界相勝過二界道究竟如虛空廣大無邊際
願共諸衆生往生安樂國

南無至心歸命禮西方阿彌陀佛

正道大慈悲出世善根生淨光明滿足如鏡日月輪
願共諸衆生往生安樂國

南無至心歸命禮西方阿彌陀佛

備諸珍寶性具足妙莊嚴無垢光焰熾明淨曜世間
願共諸衆生往生安樂國

南無至心歸命禮西方阿彌陀佛

寶華千萬種彌覆池流泉微風動葉葉交錯光亂轉
願共諸衆生往生安樂國

南無至心歸命禮西方阿彌陀佛

宮殿諸樓閣觀十方無碍雜樹異光色寶欄徧圍遶
願共諸衆生往生安樂國

南無至心歸命禮西方阿彌陀佛

無量寶文絡羅網遍虛空種種鈴發響宣吐妙法音
願共諸衆生往生安樂國

南無至心歸命禮西方阿彌陀佛

梵音悟深遠微妙聞十方正覺阿彌陀法王善住持
願共諸衆生往生安樂國

南無至心歸命禮西方阿彌陀佛

如來淨華衆正覺華化生愛樂佛法味禪三昧爲食
願共諸衆生往生安樂國

南無至心歸命禮西方阿彌陀佛

永離心身惱受樂常無間大乘善根界等無譏嫌名
願共諸衆生往生安樂國

南無至心歸命禮西方阿彌陀佛

女人及根欲二乘種不生衆生所願樂一切能滿足

願共諸衆生往生安樂國

南無至心歸命禮西方阿彌陀佛

無量大寶王微妙淨華臺相好光一尋色像超群生
願共諸衆生往生安樂國

南無至心歸命禮西方阿彌陀佛

天人不動衆清淨智海生如須彌山王勝妙無過者
願共諸衆生往生安樂國

南無至心歸命禮西方阿彌陀佛

天人丈夫衆恭敬瞻仰雨天樂華衣妙香等供養
願共諸衆生往生安樂國

南無至心歸命禮西方阿彌陀佛

安樂國清淨常轉無垢輪一念及一時利益諸群生
願共諸衆生往生安樂國

南無至心歸命禮西方阿彌陀佛

讚佛諸功德無有分別心能令速滿足功德大寶海
願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受
願共諸衆生往生安樂國

南無至心歸命禮西方極樂世界觀世音菩薩

願共諸衆生往生安樂國

南無至心歸命禮西方極樂世界大勢至菩薩

願共諸衆生往生安樂國

南無至心歸命禮西方極樂世界諸菩薩清淨大
海衆

願共諸衆生往生安樂國

普為師僧父母及善知識法界衆生斷除三障同
得往生阿彌陀佛國歸命懺悔

第五謹依彥琮法師願往生禮讚偈二十一拜當
且起時禮懺悔同前後

南無至心歸命禮西方阿彌陀佛

法藏因彌遠極樂果還深異珍參作地衆寶間爲林
華開希有色波揚實相音何當蒙授手一遂往生心
願共諸衆生往生安樂國

南無至心歸命禮西方阿彌陀佛

濁世難還入淨土願愈淡金繩直界道珠網縵垂林
見色皆真色聞音悉法音莫謂西方遠唯須十念心
願共諸衆生往生安樂國

南無至心歸命禮西方阿彌陀佛

已成窮理聖真有遍空威在西時現小但是暫隨機

葉珠相映飾砂水共滋輝欲得無生果彼土必須依
願共諸衆生往生安樂國

南無至心歸命禮西方阿彌陀佛

五山毫獨朗寶手印恒分地水俱爲鏡香華同作雲
業淡成易往因淺實難聞必望除疑惑超然獨不群
願共諸衆生往生安樂國

南無至心歸命禮西方阿彌陀佛

心帶真慈滿光含法界團無緣能攝物有相定非難
華隨本心變宮移身自安怖聞出世境須共入禪看
願共諸衆生往生安樂國

南無至心歸命禮西方阿彌陀佛

迴向漸為功西方路稍通寶幢承厚地天香入遠風
開華重布水覆網細分空願生何意切正為樂無窮
願共諸衆生往生安樂國

南無至心歸命禮西方阿彌陀佛

欲選當生處西方最可歸間樹開重閣滿道布鮮衣
香飯隨心至寶殿逐身飛有緣皆得入正自往人希
願共諸衆生往生安樂國

南無至心歸命禮西方阿彌陀佛

十劫道先成嚴界引群萌金砂徹水照玉葉滿枝明

烏本珠中出人唯華上生敢請西方聖早晚定相迎
願共諸衆生往生安樂國

南無至心歸命禮西方阿彌陀佛

十方諸佛國盡是法王家偏求有緣地冀得早無邪
八功如意水七寶自然華於彼心能係當必往非賒
願共諸衆生往生安樂國

南無至心歸命禮西方阿彌陀佛

淨國無衰變一立古今然光臺千寶合音樂八風宣
池多說法鳥空滿散華天得生不畏退隨意既開蓮
願共諸衆生往生安樂國

南無至心歸命禮西方阿彌陀佛

坐華非一像聖衆亦難量蓮開人獨處波生法自揚
無灾由處靜不退為朋良問彼前生輩來斯幾劫強
願共諸衆生往生安樂國

南無至心歸命禮西方阿彌陀佛

光舒救毘舍空立引韋提天來香蓋捧人去寶衣齋
六時聞鳥合四寸踐華依相看無不正豈復有長迷
願共諸衆生往生安樂國

南無至心歸命禮西方阿彌陀佛

普勸弘三福咸令滅五燒發心功已至係念罪便消

鳥華珠光轉風好樂聲調但忻行道易寧愁聖果遙
願共諸衆生往生安樂國

南無至心歸命禮西方阿彌陀佛

珠色仍為水金光卽是臺到時華自散隨願華還開
遊池更出沒飛空互往來直心能向彼有善併須迴
願共諸衆生往生安樂國

南無至心歸命禮西方阿彌陀佛

洗心甘露水悅目妙華雲同生機易識等壽量難分
樂多無廢道聲遠不妨聞如何貪五濁安然火自焚
願共諸衆生往生安樂國

南無至心歸命禮西方阿彌陀佛

臺裏天人現光中侍者看懸空四寶閣臨回七重欄
疑多邊地久德少上生難且莫論餘願西方已心安
願共諸衆生往生安樂國

南無至心歸命禮西方阿彌陀佛

六根常合道三塗永絕名念頃遊方徧還時得忍成
地平無極廣風長是處清寄言有心輩共出一苦城
願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受

願共諸衆生往生安樂國

南無至心歸命禮西方極樂世界觀世音菩薩
千輪明足下五道現光中悲引恒無絕人歸亦未窮
口宣猶在定心靜更飛通聞名皆願往日發幾華叢
願共諸衆生往生安樂國

南無至心歸命禮西方極樂世界大勢至菩薩

惠力標無上身光備有緣動搖諸寶閣持座一金蓮
鳥群非實鳥天類豈真天須知求妙樂會是戒香全
願共諸衆生往生安樂國

南無至心歸命禮西方極樂世界諸菩薩清淨大

海衆

願共諸衆生往生安樂國

普爲師僧父母及善知識法界衆生斷除三障同
得往生阿彌陀佛國歸命懺悔

第六沙門善導願往生禮讚偈謹依十六觀作二
十拜當日中時禮懺悔同前後

南無至心歸命禮西方阿彌陀佛

觀彼彌陀極樂界 廣大寬平衆寶成

四十八願莊嚴起 超諸佛刹最爲精

本國他方大海衆 窮劫算數不知名

普勸歸西同彼會 恒沙三昧自然成

願共諸衆生往生安樂國

南無至心歸命禮西方阿彌陀佛

地下莊嚴七寶幢 無量無邊無數億

八方八百百寶成 見彼無生自然悟

無生寶國永爲常 一一寶流無數光

行者傾心常對目 騰神踊躍入西方

願共諸衆生往生安樂國

南無至心歸命禮西方阿彌陀佛

地上莊嚴轉無極 金繩界道非工匠

彌陀願智巧莊嚴

菩薩人天散華上

寶地寶色寶光飛

一一光成無數臺

臺中寶樓千萬億

臺側百億寶幢圍

願共諸衆生往生安樂國

南無至心歸命禮西方阿彌陀佛

一一臺上虛空中

莊嚴寶樂亦無窮

八種清風尋光出

隨時鼓樂應機音

機音正受稍為難

行住坐卧攝心觀

唯除睡時常憶念

三昧無為即涅槃

願共諸衆生往生安樂國

南無至心歸命禮西方阿彌陀佛

寶國寶林諸寶樹

寶華寶葉寶根莖

或以千寶分林異

或有百寶共成行

行行相當葉相次

色各不同光亦然

等量齊高三十萬

枝條相觸說無生

願共諸衆生往生安樂國

南無至心歸命禮西方阿彌陀佛

七重羅網七重宮

綺互回光相映發

化天童子皆充滿

瓔珞輝光超日月

行行寶葉色千般

華敷等若旋金輪

菓變光成衆寶蓋

塵沙佛刹現無邊

願共諸衆生往生安樂國

南無至心歸命禮西方阿彌陀佛

寶池寶岸寶金沙

寶渠寶葉寶蓮華

十二由旬皆正等

寶羅寶網寶欄巡

德水分流尋寶樹

聞波覩樂證恬怕

寄言有緣同行者

努力翻迷還本家

願共諸衆生往生安樂國

南無至心歸命禮西方阿彌陀佛

一一金繩界道上

寶樂寶樓千萬億

諸天童子散香華

他方菩薩如雲集

無量無邊無能計

誓首彌陀恭敬立

風鈴樹響徧虛空

歎說三尊無有極

願共諸衆生往生安樂國

南無至心歸命禮西方阿彌陀佛

彌陀本願華王座

一切衆寶以為成

臺上四幢張寶幔

彌陀獨坐顯真形

真形光明徧法界

蒙光觸者心不退

晝夜六時專想念

終時快樂如三昧

願共諸衆生往生安樂國

南無至心歸命禮西方阿彌陀佛

彌陀身心徧法界

是故勸汝常觀察

真容寶像臨華座

寶樹三尊華徧滿

願共諸衆生往生安樂國

南無至心歸命禮西方阿彌陀佛

彌陀身色如金山

唯有念佛蒙光攝

六方如來舒舌證

影現衆生心想中

信心起想表真容

心開見彼國莊嚴

風鈴樂響與文同

相好光明照十方

當知本願最為強

專稱名號至西方

十地願行自然彰

此一偈
信卷未
抄出
然六方
作十方
又華開

作華臺

到彼華開聞妙法

願共諸衆生往生安樂國

南無至心歸命禮西方阿彌陀佛

觀音菩薩大慈悲

一切五道內身中

應現身光紫金色

恒舒百億光王手

願共諸衆生往生安樂國

南無至心歸命禮西方阿彌陀佛

勢至菩薩難思議

已得菩提捨不證

六時觀察三輪應

相好威儀轉無極

普攝有緣歸本國

威光普照無邊際

禮贊

十一

有緣衆生蒙光觸
法界傾搖如轉蓬
普勸有緣常憶念

增長智慧超三界
化佛雲集滿虛空
永絕胞胎證六通

願共諸衆生往生安樂國

南無至心歸命禮西方阿彌陀佛

正坐跏趺入三昧

想心乘念至西方

觀見彌陀極樂界

地上虛空七寶莊

彌陀身量極無邊

重勸衆生觀小身

丈六八尺隨機現

圓光化佛等前真

願共諸衆生往生安樂國

南無至心歸命禮西方阿彌陀佛

上輩上行上根人

求生淨土斷貪瞋

就行差別分三品

五門相續助三因

一日七日專精進

畢命乘臺出六塵

慶哉難逢今得遇

永證無為法性身

願共諸衆生往生安樂國

南無至心歸命禮西方阿彌陀佛

中輩中行中根人

一日齋戒處金蓮

孝養父母教回向

為說西方快樂因

佛與聲聞衆來取

直到彌陀華座邊

百寶華籠經七日

三品蓮開證小真

願共諸衆生往生安樂國

南無至心歸命禮西方阿彌陀佛

下輩下行下根人

十惡五逆等貪瞋

四重偷僧謗正法

未曾慚愧悔前愆

終時苦相如雲集

地獄猛火罪人前

忽遇往生善知識

急勸專稱彼佛名

化佛菩薩尋聲到

一念傾心入寶蓮

三華障重開多劫

于時始發菩提因

願共諸衆生往生安樂國

南無至心歸命禮西方阿彌陀佛

彌陀佛國能所惑

西方極樂難思議

渴聞般若絕思漿

念食無生即斷飢

一切莊嚴皆說法

無心領納自然知

七覺華池隨意入

八背凝神會一技

無邊菩薩為同學

性海如來盡是師

彌陀心水沐身頂

觀音勢至與衣被

歛爾騰空遊法界

須臾授記號無為

如此逍遙無極處

吾今不去待何時

願共諸衆生往生安樂國

南無至心歸命禮西方阿彌陀佛

哀愍覆護我令法種增長此世及後生願佛常攝受願共諸衆生往生安樂國

南無至心歸命禮西方極樂世界觀音勢至諸菩薩清淨大海衆

願共諸衆生往生安樂國

普為師僧父母及善知識法界衆生斷除三障同得往生阿彌陀佛國歸命懺悔

上一品懺悔發願等同前須要中要取初須略中略取中須廣中廣取下其廣者就實有心願生者

上中下
已下至
與上同
化土卷
本抄

祖本無
即字

祖本作
徹心髓
皆頌

而勸或對四衆或對十方佛或對舍利尊像大衆或對一人若獨自等又向十方盡虛空三寶及盡衆生界等具向發露懺悔懺悔有二品上中下上品懺悔者身毛孔中血流眼中血出者名上品懺悔中品懺悔者偏身熱汗從毛孔出眼中血流者名中品懺悔下品懺悔者偏身徹熱眼中淚出者名下品懺悔此等三品雖有差別即是久種解脫分善根人致使今生敬法重人不惜身命乃至小罪若懺即能徹心徹髓能如此懺者不問久近所有重障頭皆滅盡若不如此縱使日夜十二時急

乘字祖
本作終
若字作
差

走衆是無益若不作者應知雖不能流淚流血等
但能真心徹到者卽與上同

敬白十方諸佛十二部經諸大菩薩一切賢聖及
一切天龍八部法界衆生現前大衆等證知我某甲
發露懺悔從無始已來乃至今身殺害一切三寶
師僧父母六親眷屬善知識法界衆生不可知數
偷盜一切三寶師僧父母六親眷屬善知識法界
衆生物不可知數於一切三寶師僧父母六親眷
屬善知識法界衆生上起邪心不可知數妄語欺
誑一切三寶師僧父母六親眷屬善知識法界衆

生不可知數綺語調呌一切三寶師僧父母六親
眷屬善知識法界衆生不可知數惡口罵辱誹謗
毀咎一切三寶師僧父母六親眷屬善知識法界
衆生不可知數兩舌鬪亂破壞一切三寶師僧父
母六親眷屬善知識法界衆生不可知數或破五
戒八戒十戒十善戒二百五十戒五百戒菩薩三
聚戒十無盡戒乃至一切戒及一切威儀戒等自
作教他見作隨喜不可知數如是等衆罪示如十
方大地無邊微塵無數我等作罪亦復無數虛空
無邊我等作罪亦復無邊方便無邊我等作罪亦

復無邊法性無邊我等作罪亦復無邊法界無邊
我等作罪亦復無邊衆生無邊我等劫奪殺害亦
復無邊三寶無邊我等侵損劫奪殺害亦復無邊
戒品無邊我等毀犯亦復無邊如是等罪上至諸
菩薩下至聲聞緣覺所不能知唯佛與佛乃能知
我罪之多少今於三寶前法界衆生前發露懺悔
不敢覆藏唯願十方三寶法界衆生受我懺悔憶
我清淨始從今日願共法界衆生捨邪歸正發菩
提心慈心相向佛眼相看菩提眷屬作真善知識
同生阿彌陀佛國乃至成佛如是等罪永斷相續

更不敢作懺悔已至心歸命阿彌陀佛
禮懺竟

若入觀及睡眠時應發此願若坐若立一心合掌
正面向西十聲稱阿彌陀佛觀音勢至諸菩薩清
淨大海衆竟弟子某甲現是生死凡夫罪障深重淪
六道苦不可具云今日遇善知識得聞彌陀本願
名號一心稱念求願往生願佛慈悲不捨本弘誓
願攝受弟子不識彌陀佛身相光明願佛慈悲示
現弟子身相觀音勢至諸菩薩等及彼世界清淨
莊嚴光明等相導此語已一心正念即隨意入觀

現是已
下至攝
受弟子
行卷礎
抄出然
淪六道
苦作輪
迴六道
又無具
日二字

已下至
終行卷
出
礎
早抄

及睡或有正發願時即得見之或有睡眠時得見
除不至心此願比來大有現驗

問曰稱念禮觀阿彌陀佛現世有何功德利益答
曰若稱阿彌陀佛一聲即能除滅八十億劫生死
重罪禮念已下亦如是十往生經云若有衆生念
阿彌陀佛願往生者彼佛即遣二十五菩薩擁護
行者若行若坐若住若卧若晝若夜一切時一切
處不令惡鬼惡神得其便也又如觀經云若稱禮
念阿彌陀佛願往生彼國者彼佛即遣無數化佛
無數化觀音勢至菩薩護念行者復與前二十五

菩薩等百重千重圍遶行者不問行住坐卧一切
時處若晝若夜常不離行者今既有斯勝益可憑
願諸行者各須至心求往又如無量壽經云若我
成佛十方衆生稱我名號下至十聲若不生者不
取正覺彼佛今現在世成佛當知本誓重願不虛
衆生稱念必得往生又如彌陀經云若有衆生聞
說阿彌陀佛即應執持名號若一日若二日乃至
七日一心稱佛不亂命欲終時阿彌陀佛與諸聖
衆現在其前此人終時心不顛倒即得往生彼國
佛告舍利弗我見是利故說是言若有衆生聞是

祖本作護念經
一聲一
念四字
同聲抄
出然今
所引作
一聲乃
至十聲
可考又
證誠作
禮成

說者應當發願願生彼國次下說云東方如恒河沙等諸佛南西北方及上下四方如恒河沙等諸佛各於本國出其舌相徧覆三千大千世界說誠實言汝等衆生皆應信是一切諸佛所護念經云何名護念若有衆生稱念阿彌陀佛若七日及一日下至十聲乃至一聲一念等必得往生證誠此事故名護念經次下文云若稱佛往生者常為六方恒河沙等諸佛之所護念故名護念經今既有此增上誓願可憑諸佛子等何不勵意去也往生禮讚偈

依觀經等明般舟三昧行道往生讚一卷

比丘僧善導撰

敬白一切往生知識等大須慚愧釋迦如來實是慈悲父母種種方便發起我等無上信心又說種種方便教門非一但為我等倒見凡夫若能依教修行者則門門見佛得生淨土若見聞有人行善者即以此善助之若見聞有人行教讚之若聞人說行即依行順之若聞人有悟即依悟喜之何意然者同以諸佛為師以法為母生養共同情親非外不得輕毀他有緣之教行讚自有緣之要法即是

已下三
十卷
十五字
桂抄出

自相破壞諸佛法眼法眼既滅菩提正道履足無由淨土之門何能得入傷歎曰生盲信業走隨業墮滾坑縱此貪瞋火自損損他人長沒無明海遇木永無緣行者等必須於一切凡聖境上常起讚順之心莫生是非嫌恨也何故然者為自防身口意業恐不善業起復是流轉與前無異若自他境上護得三業能令清淨者即是生佛國之正因問曰既道三業清淨是生淨土正因者云何作業得名清淨答曰一切不善之法自他身口意總斷不行是名清淨又自他身口意相應善即起上上隨

喜心如諸佛菩薩所作隨喜我亦如是隨喜以此善根迴生淨土故名為正因也又欲生淨土必須自勸勸他廣讚淨土依正二報莊嚴事亦須知入淨土之緣起出娑婆之本末諸有智者應知又問曰般舟三昧樂者是何義也答曰梵語名般舟此翻名常行道或七日九十日身行無間總名三業無間故名般舟也又言三昧者亦是西國語此翻名為定由前三業無間心至所感即佛境現前正境現時即身心內悅故名為樂亦名立常見諸佛也應知

已下四
句行卷
抄出

般舟三昧樂願往生
曠劫已來常沒沒願往生
釋迦如來真報土願往生
為度娑婆分化入願往生
或說人天二乘法願往生
或漸或頓明空有願往生
根性利者皆蒙益願往生
瓔珞經中說漸教願往生
觀經彌陀經等說願往生
一日七日專稱佛願往生

三界六道苦難停無量樂
到處唯聞生死聲無量樂
清淨莊嚴無勝是無量樂
八相成佛度眾生無量樂
或說菩薩涅槃因無量樂
人法二障遣雙除無量樂
鈍根無智難開悟無量樂
萬劫修功證不退無量樂
即是頓教菩提藏無量樂
命斷須臾生安樂無量樂

已下四
句化土
抄出

一入彌陀涅槃國願往生
萬劫修功實難續願往生
若待娑婆證法忍願往生
貪瞋即是輪迴業願往生
驗此貪瞋火燒苦願往生
彌陀因地發心時願往生
饒王佛所落鬚髮願往生
四十八願因慈發願往生
衆寶莊嚴名極樂願往生
我得菩提當心座願往生

即得不退證無生無量樂
下時煩惱百千間無量樂
六道恒沙劫末期無量樂
煩惱豈是無生因無量樂
不如走入彌陀國無量樂
頓捨王位求菩提無量樂
出家修道名法藏無量樂
下誓願為衆生無量樂
廣大寬平無限量無量樂
徹窮後際度衆生無量樂

世尊

身相光明照法界願往生
一一光明相續照願往生
欲比十方諸佛國願往生
般舟三昧樂願往生
本師釋迦修普行願往生
一切如來設方便願往生
隨機說法皆蒙益願往生
門門不同八萬四願往生
利劍即是彌陀號願往生
釋迦如來因地時願往生

光所及處皆蒙益無量樂
照見念佛往生人無量樂
極樂安身實是精無量樂
釋迦如來悲意深無量樂
長時長劫度眾生無量樂
亦同今日釋迦尊無量樂
各得悟解入真門無量樂
為滅無明果業因無量樂
一聲稱念罪皆除無量樂
頓捨身財求妙法無量樂

小劫大劫長時劫願往生
念念時中行六度願往生
三業專修無間業願往生
證得菩提無上果願往生
一音演說隨機悟願往生
般舟三昧樂願往生
佛教多門八萬四願往生
欲覓安身常住處願往生
門門不同名漸教願往生
畢命為期專念佛願往生

隨順佛語誓修行無量樂
慈悲喜捨化眾生無量樂
誓作菩提無上尊無量樂
分身百億度眾生無量樂
各各隨悟到真元無量樂
隨順釋迦如來教無量樂
正為眾生機不同無量樂
先求要行入真門無量樂
萬劫苦行證無生無量樂
須臾命斷佛迎釋無量樂

已下四
卷本化
抄出礎

已下四
句行卷
抄出

已下二
句信卷
未上抄
出左化

已下二
句信卷
未上抄
出左化

土抄出
已抄出
句下八

一食之時尚有間願往生
貪瞋障受人天路願往生
欲到彌陀安養國願往生
戒行專精諸佛讚願往生
一念之間入佛會願往生
三明六通皆自在願往生
四種威儀常見佛願往生
一念一時隨眾聽願往生
一切時中常入定願往生
百寶莊嚴隨念現願往生

如何萬劫不貪瞋無量樂
三惡四趣內安身無量樂
念佛戒行必須迴無量樂
臨終華座自來迎無量樂
三界六道永除名無量樂
畢竟不退證無為無量樂
手執香華常供養無量樂
百千三昧自然成無量樂
定理聞經皆得悟無量樂
長劫供養報慈恩無量樂

已下二
句行卷
左抄出

微塵故業隨智滅願往生
大小僧祇恒沙劫願往生
如此逍遙快樂處願往生
縱使千年受五欲願往生
貪瞋十惡相續起願往生
不畏三塗造眾罪願往生
不孝父母罵眷屬願往生
曠劫已來沈苦海願往生
雖得人身多有障願往生
六方如來慈悲極願往生

不覺轉入真如門無量樂
亦如彈指須臾間無量樂
更貪何事不求生無量樂
增長地獄苦因緣無量樂
豈是解脫涅槃因無量樂
破滅三寶永沈淪無量樂
地獄安身無出期無量樂
西方要法未曾聞無量樂
不受佛化反生疑無量樂
同心同勸往西方無量樂

發身廣

長病遠行不計日願往生
如此之人難化度願往生
專讀彌陀觀經法願往生
地下寶幢無億數願往生
萬億寶珠相映飾願往生
照上衆寶莊嚴地願往生
自身光明紫金色願往生
得此無生寶國地願往生
一切時中聞妙法願往生
菩薩知識爲同學願往生

念佛卽道無功夫無量樂
無明被底且長眠無量樂
文文句句說西方無量樂
方楞具足盡輝光無量樂
各各變現希奇事無量樂
雜色過於百千日無量樂
足踐寶地徐徐行無量樂
皆是彌陀願力息無量樂
煩惱罪障無由起無量樂
攜手相將入寶堂無量樂

念念之中受法樂願往生
大衆同心厭此界願往生
忽爾思量心髓痛願往生
自慶今身聞淨土願往生
西方快樂無爲處願往生
六天相勝億萬倍願往生
三十二相通自在願往生
從世帝王至六天願往生
佛國寶林枝相觸願往生
依時供養香風起願往生

須臾悟得百千門無量樂
乘佛願力見彌陀無量樂
無窮之劫枉疲勞無量樂
不惜身命往西方無量樂
天上人聞无比量無量樂
不及西方人下相無量樂
身光徧照十方界無量樂
音樂相勝億萬重無量樂
六天音樂不知一無量樂
拂樹華飛落寶地無量樂

寶樹飛華汎德水願往生
乘船直入蓮華會願往生
各執香華佛前立願往生
寶雲莊嚴卽是蓋願往生
遇值往生善知識願往生
因佛願力來相見願往生
法侶攜將入林看願往生
菩薩衆會無窮盡願往生
新往化生紫金色願往生
或入寶樓衆中座願往生

童子捉取已爲船無量樂
化佛菩薩與衣被無量樂
徐徐遙散變成雲無量樂
卽與寶果敎令食無量樂
得聞淨土彌陀名無量樂
常住此國不須還無量樂
足下輝光超日月無量樂
各各身光互相照無量樂
與諸大衆無殊異無量樂
大衆見者皆歡喜無量樂

種種莊嚴不可識願往生
停足須臾受法樂願往生
地上莊嚴衆密間願往生
寶座華臺處處滿願往生
百千童子菩薩衆願往生
或座或立池渠岸願往生
或立于沙或至膝願往生
或取金華百密葉願往生
受得香華千萬種願往生
所散之華變成蓋願往生

內外相看無障礙無量樂
三昧無生自然悟無量樂
雜色相參百千萬無量樂
隨心受用光來照無量樂
各捧香華臨池看無量樂
或有尋階入密池無量樂
或沒腰頭或懸注無量樂
授與岸上看池人無量樂
卽散彌陀大會上無量樂
自然音樂遶千重無量樂

寶鳥連聲奏天樂願往生

我今到此佛願力願往生

普願閻浮知識等願往生

專誦彌陀觀經等願往生

一切時中相續作願往生

一到彌陀安養國願往生

涅槃莊嚴處處滿願往生

飛踊空中作神變願往生

或散華香供養佛願往生

不因釋迦如來力願往生

衆生障盡聞皆喜願往生

般舟三昧樂願往生

行住座卧專念佛願往生

念念時中常懺悔願往生

一切時中望西禮願往生

佛知衆生心雜亂願往生

不知彌陀國遠近願往生

道里雖遙不足到願往生

唯恨衆生疑不疑願往生

莫論彌陀攝不攝願往生

一切見者起悲心無量樂

同緣同行何時來無量樂

同行相親願莫退無量樂

禮佛觀察盡須迴無量樂

至死為期專復專無量樂

畢竟逍遙即涅槃無量樂

見色聞香罪障除無量樂

讚歎淨土難思議無量樂

報佛慈恩心無盡無量樂

彌陀淨土若為聞無量樂

頓斷諸惡願求生無量樂

誓願今生順佛教無量樂

一切善業併須迴無量樂

終時即上金剛臺無量樂

表知凡聖心相向無量樂

偏教正念住西方無量樂

佛道超過十萬億無量樂

彈指之間入寶池無量樂

淨土對面不相忤無量樂

意在專心迴不迴無量樂

已下信表
有松抄
未化抄
出本抄
土抄

收舟贊

但使迴心決定向願往生

從佛乘華入寶國願往生

一一寶撲隨意入願往生

鳥作音聲菩薩儻願往生

為我娑婆得生者願往生

佛遣生人將觀看願往生

地上虛空聖人滿願往生

微風吹動出妙響願往生

見樹聞波成法忍願往生

立侍彌陀聽說法願往生

臨終華蓋自來迎無量樂

見諸大衆悟無生無量樂

內外莊嚴不可識無量樂

童子歡喜作神通無量樂

種種供養令歡喜無量樂

到處唯是不思議無量樂

珠羅寶網自然覆無量樂

聲中皆說無為法無量樂

童子持華圍遶讚無量樂

貪愛法樂起時劫無量樂

隨逐本國諸菩薩願往生

一佛國界皆聞法願往生

欲往一食起千劫願往生

大地微塵尚有數願往生

一一佛土皆嚴淨願往生

一切如來見歡喜願往生

所有莊嚴如極樂願往生

地上虛空聲徧滿願往生

般舟三昧樂願往生

雖捨錢財造功德願往生

盡是無為涅槃界無量樂

遊歷他方修供養無量樂

憶我娑婆同行人無量樂

十方佛國無窮盡無量樂

亦如極樂無殊異無量樂

菩薩聖衆將遊觀無量樂

變化神通無障礙無量樂

聽響聞音皆得悟無量樂

相續念佛報師恩無量樂

不如持戒斷貪瞋無量樂

普教衆生常念佛願往生
安心定意生安樂願往生
臨終見佛華臺至願往生
蓮華大衆皆歡喜願往生
菩薩聲聞將見佛願往生
彌陀告言諸佛子願往生
新往化生俱欲報願往生
得免娑婆長劫苦願往生
般舟三昧樂願往生
普勸同生知識等願往生

自他功德併須迴無量樂
獨超三界出煩籠無量樂
須臾卽入寶池會無量樂
卽與天衣隨意著無量樂
禮佛一拜得無生無量樂
極樂何如彼三界無量樂
合掌悲咽不能言無量樂
今日見佛釋迦恩無量樂
順隨佛語見彌陀無量樂
同行相親莫相離無量樂

父母妻兒百千萬願往生
念念相纏入惡道願往生
或在猪羊六畜內願往生
慶得人身聞要法願往生
父子相見非常喜願往生
或將遊行入林看願往生
觀見彌陀七寶國願往生
卽作神通徧佛國願往生
一一大會隨入入願往生
四種威儀常在定願往生

非是菩提增上緣無量樂
分身受報不相知無量樂
被毛戴角何時了無量樂
頓捨他鄉歸本國無量樂
菩薩聲聞亦復然無量樂
或座華臺登樓觀無量樂
地上虛空光相照無量樂
處處供養無邊會無量樂
入處唯聞平等法無量樂
不出三昧作神通無量樂

一一神通到佛會願往生
般舟三昧樂願往生

金樓玉柱瑠璃殿願往生

重重羅網相映飾願往生

晝夜香風時時動願往生

彼國衆生心眼利願往生

般舟三昧樂願往生

共諸童子遊空戲願往生

身光瓔珞互相照願往生

或奏樂器供養佛願往生

同生知識百千萬願往生

會會不同無憶數願往生

一切時中常說法願往生

佛與聖衆身金色願往生

相好莊嚴無殊異願往生

地上虛空人徧滿願往生

或作華樓寶雲蓋願往生

法音旋轉如雲合願往生

一劫多劫長時劫願往生

般舟三昧樂願往生

會會聽法證無生無量樂

極樂安身實是精無量樂

真珠寶閣百千行無量樂

寶繩交絡垂鈴珮無量樂

聲內皆稱三寔名無量樂

聞一悟解百千門無量樂

處處安身不如彼無量樂

手散香華心供養無量樂

一切莊嚴光亦然無量樂

化佛慈悲遙授記無量樂

乘華直入虛空會無量樂

彼此相過無障礙無量樂

見聞歡喜罪皆除無量樂

光相照心相知無量樂

皆是彌陀願力成無量樂

神通轉變自然知無量樂

化鳥連聲奏法音無量樂

彼國人天聞即悟無量樂

但受法樂不思議無量樂

極樂莊嚴門盡開無量樂

普願有緣同行者 願往生
一到彌陀安養國 願往生
兄弟因緣羅漢衆 願往生
或行或座皆聞法 願往生
或入密池灌身頂 願往生
泝水微波出妙響 願往生
德水清澄千萬里 願往生
四岸莊嚴七寶間 願往生
色色不同輝光照 願往生
樹樹垂條如寶帳 願往生

專心直入不須疑 無量樂
元來是我法王家 無量樂
菩薩法侶爲知識 無量樂
或去或來無障礙 無量樂
或在乾地密沙中 無量樂
聲中純說慈悲法 無量樂
寶沙映徹如不淡 無量樂
底布金沙百千色 無量樂
寶樹飛華落水中 無量樂
周匝由旬三十萬 無量樂

根莖枝葉七寶間 願往生
微風起時更相觸 願往生
化佛菩薩恒沙衆 願往生
般舟三昧樂 願往生
寶地寬平衆密間 願往生
一一光成密臺座 願往生
化天童子無窮數 願往生
或登寶座樓中戲 願往生
或入光明百寶殿 願往生
或道從今至佛果 願往生

一一寶流無數光 無量樂
六天音樂無能比 無量樂
一一樹下聽真聲 無量樂
一入不退至菩提 無量樂
一一寶出百千光 無量樂
光變爲樓百千億 無量樂
悉是念佛往生人 無量樂
不飢不渴湛然常 無量樂
正值大會讚彌陀 無量樂
長劫讚佛報慈恩 無量樂

已下四句信末

設舟讚

出又化
土卷末
梓抄出

已下四
句同上
二句抄
出得生
等一句
化上卷
同上抄
出然師
思作慈

不蒙彌陀弘誓力願往生

自到已來常法樂願往生

眼見如來耳聞法願往生

何期今日至寶國願往生

若非本師知識勸願往生

般舟三昧樂願往生

普勸有緣道俗等願往生

念佛專心誦經觀願往生

行住坐臥心相續願往生

或想或觀除罪障願往生

以佛力故成三昧願往生

諸佛境界超凡外願往生

十方如來舒舌證願往生

父子相迎入大會願往生

或有所得人天報願往生

爾時彌陀及大眾願往生

彌陀告言諸佛子願往生

般舟三昧樂願往生

涅槃快樂無為處願往生

百寶華臺隨意座願往生

何時何劫出娑婆無量樂

畢竟不聞十惡聲無量樂

身常從佛喜還悲無量樂

實是娑婆本師力無量樂

彌陀淨土云何入無量樂

得生淨土報師恩無量樂

會是專心行佛教無量樂

禮讚莊嚴無雜亂無量樂

極樂莊嚴自然見無量樂

皆是彌陀本願力無量樂

三昧得成心眼開無量樂

唯知慚賀釋迦恩無量樂

定判九品得還歸無量樂

即問六道苦辛事無量樂

飢餓困苦體生瘡無量樂

聞子說苦皆傷歎無量樂

自作自受莫怨他無量樂

常住寶國永無憂無量樂

貪瞋火宅未曾聞無量樂

座處聖眾無央數無量樂

童子供養聲聞讚願往生
一座一立須臾頃願往生
或散天衣覆窰池願往生
聖衆行時足蹈上願往生
內外映徹如明鏡願往生
念念唯加三昧淨願往生
般舟三昧樂願往生
或有寶地瑠璃間願往生
或有寶地黃金作願往生
或有千寶莊嚴地願往生

鳥樂飛空百千市無量樂
微塵故業盡消除無量樂
衣上更散窰華香無量樂
衣華觸體三禪樂無量樂
塵勞畢竟無緣起無量樂
無漏神通真復真無量樂
煩惱永絕不相干無量樂
或有寶地紫金成無量樂
或有寶地頗梨映無量樂
或有竿數寶爲成無量樂

一一色色光相照願往生
行住進止逍遙樂願往生
或百或千作神變願往生
或作香雲十窰蓋願往生
種種莊嚴隨念出願往生
般舟三昧樂願往生
寶樹寶林行徧滿願往生
根根相對莖相望願往生
節節相盤葉相次願往生
光光照曜自他國願往生

十方來者皆行上無量樂
不愁官事不憂私無量樂
會會供養皆周徧無量樂
卽此雲內雨香華無量樂
所到之處現希奇無量樂
畢命直入無爲會無量樂
一一林樹盡莊嚴無量樂
枝枝相準條相順無量樂
華華相向果相當無量樂
照處吟矚隨物色無量樂

光能變現希奇事願往生
林樹行間寶階道願往生
重重羅網奏天樂願往生
般舟三昧樂願往生
忽爾思量彼快樂願往生
金剛無漏莊嚴地願往生
彌陀願力莊嚴地願往生
葉葉相重八萬四願往生
一摩尼光千色願往生
八萬金剛臺上布願往生

盡是彌陀願力作無量樂
一一界上樓相間無量樂
供養無邊樓內人無量樂
形枯命斷佛前期無量樂
人人有分不須疑無量樂
明明相照超千日無量樂
作一蓮華大寶王無量樂
一葉摩尼百千億無量樂
上照虛空變成蓋無量樂
真珠寶網覆華籠無量樂

四幢承縵垂瓔絡願往生
一座華臺未曾動願往生
普勸衆生常憶念願往生
佛身圓滿無背相願往生
俱願傾心相續念願往生
得見淨土希奇事願往生
觀音勢至雙華座願往生
四幢密幔皆相似願往生
三華獨廻超衆坐願往生
本國他方菩薩衆願往生

獨顯真金功德身無量樂
徹窮後際度衆生無量樂
行住座卧令心見無量樂
十方來人皆對面無量樂
身現有緣心眼前無量樂
皆是佛力遙加備無量樂
一一莊嚴亦如佛無量樂
密羅密網無殊異無量樂
三身對座最爲尊無量樂
一切時中圍遶讚無量樂

如此大海塵沙會 願往生

非是口言即生被 願往生

寶樓重疊非人造 願往生

池渠四岸皆充徧 願往生

法響灌心毛孔入 願往生

一一渠中華徧滿 願往生

或座或立相招喚 願往生

或語或笑身心樂 願往生

各發誓願遙加備 願往生

一到即受清虛樂 願往生

衆生生者入其中 無量樂

會是專行不惜身 無量樂

寶幢樹林亦皆然 無量樂

微風暫觸奏天樂 無量樂

即悟恒沙三昧門 無量樂

或開或合人無數 無量樂

競取香華相供養 無量樂

即憶閻浮同行入 無量樂

專住莫退盡須來 無量樂

清虛即是涅槃因 無量樂

表知我心相憶念 願往生

同學相隨遊法界 願往生

一一佛國恒沙會 願往生

得蒙諸佛慈光照 願往生

意樂他方住即住 願往生

若住若還皆得益 願往生

悉皆涅槃平等法 願往生

般舟三昧樂 願往生

歷事已記還安樂 願往生

與諸菩薩塵沙衆 願往生

各留半座與來人 無量樂

法界即是如來國 無量樂

分身聽法修供養 無量樂

摩頂授記入無餘 無量樂

須欲歸還即歸還 無量樂

本國他方亦無二 無量樂

諸佛智慧亦同然 無量樂

到處盡是法王家 無量樂

證得無量陀羅尼 無量樂

徧滿虛空來供養 無量樂

或散衣華變成蓋 願往生
變現幢幡無億數 願往生
安樂衆聖遙相見 願往生
各起持華迎供養 願往生
他方菩薩同禮佛 願往生
或散香華奏天樂 願往生
光光相照供養佛 願往生
彌陀應時動身相 願往生
所放神光色無盡 願往生
照訖光從頂上入 願往生

或奏音樂變成雲 無量樂
一食之間到安樂 無量樂
知是他方同行入 無量樂
卽引直入彌陀會 無量樂
持華圍遶百千市 無量樂
復現神變滿虛空 無量樂
異口同音讚極樂 無量樂
身光徧照十方國 無量樂
迴光還照彌陀會 無量樂
大衆同知授記光 無量樂

已下四
行卷
抄出

收光未盡彌陀笑 願往生
我今授汝菩提記 願往生
本住他方化生衆 願往生
得免娑婆長劫難 願往生
種種思量巧方便 願往生
一切善業迴生利 願往生
念念稱名常懺悔 願往生
凡聖相知境相照 願往生
不得信受他人語 願往生
若道此同諸佛國 願往生

普告大衆專心聽 無量樂
不久當盡來成佛 無量樂
慶得難遭希有法 無量樂
特蒙知識釋迦息 無量樂
選得彌陀弘擡門 無量樂
不如專念彌陀號 無量樂
人能念佛佛還憶 無量樂
卽是衆生增上緣 無量樂
但令心淨此皆淨 無量樂
何因六道同生死 無量樂

棘刺叢林滿三界 願往生

水陸虛空衆生性 願往生

念念貪求財色苦 願往生

閻羅遣使牽將去 願往生

盛火四面同時起 願往生

最火泥犁四門外 願往生

一一隔中人人到 願往生

罪人身上烟炎起 願往生

一切獄中同此苦 願往生

般舟三昧樂 願往生

山河大地同高下 無量樂

無明煩惱等貪瞋 無量樂

業愛癡繩縛人送 無量樂

獄率牛頭催復催 無量樂

隨業風吹落苦中 無量樂

門門八萬四千隔 無量樂

恒沙苦具在其中 無量樂

飛輪刀劍縱橫入 無量樂

何時何劫得休時 無量樂

三塗永絕願無名 無量樂

七重鐵城七重網 願往生

樹樹枝條八萬四 願往生

飛輪上踊還來下 願往生

重重門上八萬金 願往生

沸涌騰波高八萬 願往生

四門四道罪人入 願往生

鐵汁焮焮流沒膝 願往生

牛頭獄卒道邊噬 願往生

罪人聞之心肚裂 願往生

鐵丸刀劍空中下 願往生

重重城內鐵林樹 無量樂

葉葉華果如刀輪 無量樂

頭入足出痛難忍 無量樂

鎔銅鐵汁涌如泉 無量樂

直射門外千由旬 無量樂

門開業火出來迎 無量樂

觸處烟炎同時起 無量樂

大地震動如天雷 無量樂

鐵虫鐵鳥爭來食 無量樂

鎔銅鐵汁注身上 無量樂

去鐵城門四萬里 願往生

行疾過風如箭射 願往生

般舟三昧樂 願往生

入此七重鐵門內 願往生

罪人入已門皆閉 願往生

一卧八萬長時劫 願往生

謫毀三寶壞人善 願往生

戲笑作罪多劫受 願往生

慎莫輕心縱三業 願往生

般若三昧樂 願往生

要取中行無避處 無量樂

須臾即入七重門 無量樂

專心念佛斷貪瞋 無量樂

何時何劫得迴還 無量樂

一一身滿不相妨 無量樂

皆由破法罪因緣 無量樂

亦墮阿鼻大獄中 無量樂

不惜佛意取人情 無量樂

業道分明不可欺 無量樂

橫截業道入西方 無量樂

七重鐵城門門外 願往生

火炎刀輪從口出 願往生

四角鐵狗身毛孔 願往生

羅刹擎叉刺心眼 願往生

熱鐵地上無窮苦 願往生

大劫盡時眼中見 願往生

罪人下時向東走 願往生

如是四門遙半劫 願往生

上有鷹鳥啄人肉 願往生

地上虛空無避處 願往生

鐵蟒舉頭城上出 無量樂

亦皆流注罪人上 無量樂

亦雨烟火人身上 無量樂

皆由心眼墮泥犁 無量樂

罪人或卧或行走 無量樂

東門城外清泉林 無量樂

臨臨欲到門還閉 無量樂

鐵網鈎身如棘林 無量樂

地有銅狗爭來食 無量樂

動即苦具轉彌多 無量樂

般舟三昧樂願往生

不孝父母罵三寶願往生

毀辱六親破淨戒願往生

殺害衆生食他肉願往生

見聞方便處分殺願往生

劫盜三害衆生物願往生

偷劫父母六親物願往生

般舟三昧樂願往生

惡染師僧壞淨行願往生

邪染衆生及眷屬願往生

若得人身黃門報願往生

般舟三昧樂願往生

欺誑三害衆生類願往生

惡口兩舌貪瞋慢願往生

論說他人三寶過願往生

普勸衆生護三業願往生

一切時中憶地獄願往生

誓願不作三塗業願往生

忽憶地獄長時苦願往生

安樂佛國無爲地願往生

聞說此苦心摧碎無量樂

終時獄火自相迎無量樂

亦隨如是泥犂中無量樂

直入泥犂火聚中無量樂

如前受苦未何央無量樂

一隨泥犂無出期無量樂

亦入如是泥犂中無量樂

不惜身財常惠施無量樂

泥犂永劫出無期無量樂

定入泥犂長劫苦無量樂

六親同住如怨家無量樂

願斷邪心修梵行無量樂

死入泥犂無出期無量樂

八萬地獄皆周徧無量樂

死入拔舌泥犂中無量樂

行住座卧念彌陀無量樂

發起增上往生心無量樂

人天樂報亦無心無量樂

不捨須臾忘安樂無量樂

畢竟安身實是精無量樂

般舟三昧樂願往生

淨土莊嚴無有盡

千劫萬劫恒沙劫

十方衆生未曾減

彌陀願力隨心大

三明六通常自在

佛身相好依心起

真金卽是彌陀相

相好彌多八萬四

不爲餘緣光普照

願往生

願往生

願往生

願往生

願往生

願往生

願往生

願往生

願往生

萬行俱迴皆得往

迴生雜善忍力弱

命欲終時聖衆現

淨淨大海無生衆

觀音相好佛無異

般舟三昧樂願往生

救苦雖遙別世界

或現聲聞菩薩相

悲心拔苦超三界

隨逐衆生身有異

願往生

願往生

願往生

願往生

願往生

願往生

願往生

願往生

願往生

願往生

唯佛一_下道獨清閑

十方生者亦無窮

一切去者不相妨

彌陀佛國亦無增

四種莊嚴普皆徧

徧入衆生心想中

隨念卽現真金佛

圓光化佛現人前

一一光明照十方

唯覓念佛往生人

無量樂

無量樂

無量樂

無量樂

無量樂

無量樂

無量樂

無量樂

無量樂

無量樂

念佛一_下行最爲尊

無過一_下日七日念

卽座華臺至寶國

遙見生者皆歡喜

慈悲救苦最爲強

不違師教念彌陀

衆生急念應時來

隨緣樂見度衆生

慈心與樂涅槃期

分身六道度時機

無量樂

無量樂

無量樂

無量樂

無量樂

無量樂

無量樂

無量樂

無量樂

無量樂

禮念觀身除罪障 願往生
一切時中緣法界 願往生
眼見耳聞心內事 願往生
天冠化佛高千里 願往生
眉間毫相七寶色 願往生
光光化佛菩薩衆 願往生
身作光明紫金色 願往生
一切光明如瓔珞 願往生
兩手纖圓雜華色 願往生
舉足千輪印寔地 願往生

直是發願慈悲極 無量樂
攝取六道現身中 無量樂
尋聲救苦刹那間 無量樂
念報慈恩常頂戴 無量樂
色色八萬四千光 無量樂
徧滿神通極樂界 無量樂
內外映徹如明鏡 無量樂
徧身交珞垂鈴珮 無量樂
恒將此手接衆生 無量樂
下足金華滿世界 無量樂

本住他方行座處 願往生
地前地上元無二 願往生
念念時中常得證 願往生
般舟三昧樂 願往生
如此逍遙快樂地 願往生
救苦分身平等化 願往生
衆等咸蒙大悲力 願往生
般舟三昧樂 願往生
勢至菩薩威光大 願往生
身上光明徧法界 願往生

觸者即悟無生忍 無量樂
隨根利鈍超增位 無量樂
未得施功方得悟 無量樂
畢命同生誓不退 無量樂
更貪何事不求生 無量樂
化得即送彌陀國 無量樂
碎身慚謝報慈恩 無量樂
觀音引接見彌陀 無量樂
身色相好等觀音 無量樂
照處皆同紫金色 無量樂

有緣衆生蒙光照 願往生
頂戴華冠垂瓔珞 願往生
勢至行時震法界 願往生
蓮華莊嚴如極樂 願往生
座時先動彌陀國 願往生
一一刹土分身集 願往生
化佛觀音勢至集 願往生
各座蓮華百寶座 願往生
極樂衆生見聞益 願往生
大集利益塵沙衆 願往生

增長智慧生安樂 無量樂
寶瓶光出現希奇 無量樂
震處蓮華自然出 無量樂
一切佛國皆如是 無量樂
後震上下塵沙刹 無量樂
皆是彌陀三化身 無量樂
側塞虛空極樂上 無量樂
異口同音說妙法 無量樂
超證常倫諸地上 無量樂
聽法供養逕諸劫 無量樂

是故彼國名極樂 願往生
一切時中面西向 願往生
地上莊嚴無憶數 願往生
正座跏趺往生想 願往生
想入華中華合想 願往生
想見彌陀光雜色 願往生
又想自身慈光照 願往生
想見虛空化佛衆 願往生
水鳥流波宣沙法 願往生
注想成時審國現 願往生

普勸同生常憶念 無量樂
心想見彼彌陀身 無量樂
寶樓林樹垂瓔珞 無量樂
直注華池大會中 無量樂
即想華開見佛身 無量樂
光光相照自身來 無量樂
即想籠籠心眼開 無量樂
想聞林樹奏天樂 無量樂
心心專注想令成 無量樂
即得化佛來加備 無量樂

觀音勢至身無數 願往生
般舟三昧樂 願往生
佛知衆生流浪久 願往生
佛恐觀大難周徧 願往生
想一蓮華百寶葉 願往生
身雖大小能除障 願往生
四種威儀常自策 願往生
自然卽是彌陀國 願往生
縱盡百年如一日 願往生
上品上生凡夫等 願往生

常來至此行人邊 無量樂
專心想佛見無疑 無量樂
無明障重難開悟 無量樂
更教觀小在池中 無量樂
丈六化佛座華臺 無量樂
觀音勢至等同然 無量樂
命盡須臾歸自然 無量樂
究竟常安無退時 無量樂
一日須臾何足期 無量樂
持戒念佛誦經專 無量樂

一切時中常勇猛 願往生
觀音大勢擎華至 願往生
無數化佛菩薩衆 願往生
一念之間到佛國 願往生
光明密林皆說法 願往生
須臾歷事他方佛 願往生
上品中生凡夫等 願往生
一日七日俱回向 願往生
觀音大勢擎華立 願往生
與千化佛同時讚 願往生

臨終聖衆自來迎 無量樂
一時接手上金臺 無量樂
摩頭讚歎隨佛去 無量樂
卽現真容菩薩衆 無量樂
當時卽悟無生忍 無量樂
一念歸還得千證 無量樂
讀誦念佛專持戒 無量樂
臨終聖衆皆來現 無量樂
行者卽上紫金臺 無量樂
從佛須臾入密池 無量樂

一宿障盡華開發願往生
足未至地華兼足願往生
直到彌陀佛前立願往生
須更歷事他方佛願往生
少許時間逕三劫願往生
般舟三昧樂願往生
推闕即造輪迴業願往生
湯火燒身急自撥願往生
貪瞋火宅相燒苦願往生
覺痛即斷愚癡業願往生

見佛即欲下金臺無量樂
佛放金光來照身無量樂
讚佛七日得無生無量樂
證得百千三昧門無量樂
即入明門歡喜地無量樂
持戒作善莫推闕無量樂
彌陀淨土遣誰去無量樂
莫待他人推緣事無量樂
障重心頑未覺痛無量樂
悔心慚愧生安樂無量樂

安樂即是金剛地願往生
般舟三昧樂願往生
上品下生凡夫等願往生
三業起行多憍慢願往生
迴心念念生安樂願往生
五百化佛觀音等願往生
一念乘華審池內願往生
華開見佛微微障願往生
耳聽衆聲心得悟願往生
十劫須臾不覺盡願往生

凡夫六道永無名無量樂
極樂清閑實是精無量樂
深信因果莫生非無量樂
單發無上菩提心無量樂
終時即見金華至無量樂
一時接手入華中無量樂
一日一夜審華開無量樂
三七已後始分明無量樂
歷事他方蒙授記無量樂
進入明門歡喜地無量樂

般舟三昧樂願往生

若是釋迦真弟子願往生

不得悠悠信他語願往生

忽遇灾危身自急願往生

口說事空心行怨願往生

如此之人不可近願往生

側身傾心常採訪願往生

若聞此法希奇益願往生

若能專行不惜命願往生

般舟三昧樂願往生

盡名為期莫生疑無量樂

誓行佛語生安樂無量樂

隨緣治病各依方無量樂

道俗千重未能救無量樂

是非人我如山岳無量樂

近即輪迴長劫苦無量樂

今身修道得無生無量樂

不顧身命要求得無量樂

命斷須臾生安樂無量樂

念佛即是涅槃門無量樂

中品上生凡夫等願往生

戒定慈悲常勇猛願往生

終時化佛聲聞到願往生

佛放光明照身頂願往生

低頭禮佛在此國願往生

到彼華開尋見佛願往生

般舟三昧樂願往生

中品中生凡夫等願往生

迴此戒福善根力願往生

臨終化佛師僧現願往生

偏學聲聞緣覺行無量樂

一心迴願生安樂無量樂

七寶蓮華行者前無量樂

行者自見上華臺無量樂

舉頭已入彌陀界無量樂

聞說四諦證真如無量樂

實是彌陀願力息無量樂

下日下夜持衆戒無量樂

直到彌陀安養國無量樂

七寶華來行者前無量樂

行者見華心踊躍願往生

一念之間入審國願往生

池內蓮華無億數願往生

七日七夜蓮華發願往生

般舟三昧樂願往生

中品下生凡夫等願往生

臨終遇值善知識願往生

聞說合掌廻心向願往生

百寶蓮華臺上座願往生

華開見佛塵沙衆願往生

即上華臺隨佛去無量樂

直入八德寶池中無量樂

悉是十方同行無量樂

華開見佛得初真無量樂

勤修實行不欺人無量樂

孝養父母行人信無量樂

為說極樂彌陀願無量樂

乘念即到審池中無量樂

七七日後審華開無量樂

一劫已後證無生無量樂

無生即是阿羅漢願往生

一發已去小心滅願往生

是故天親作論說願往生

故言大乘善根界願往生

大小凡夫平等攝願往生

願住彌陀佛國內願往生

般舟三昧樂願往生

下品上生凡夫等願往生

增長無明但快意願往生

如此愚人難覺悟願往生

羅漢廻心向大乘無量樂

直至菩提無有退無量樂

二乘心種永無生無量樂

畢竟永絕譏嫌過無量樂

且避六道三塗難無量樂

證與不證亦心間無量樂

頓超生死出娑婆無量樂

具造十惡無餘善無量樂

見他修福生非毀無量樂

良由知識惡強緣無量樂

唯知目前貪酒肉 願往生
 一入泥犁受長苦 願往生
 罪人臨終得重病 願往生
 地獄芬芳眼前現 願往生
 如此困苦誰能救 願往生
 手執香爐教懺悔 願往生
 一聲稱佛除衆苦 願往生
 化佛菩薩尋聲到 願往生
 行者見佛光明喜 願往生
 從佛須臾還富國 願往生

不覺地獄盡抄名 無量樂
 始憶人中善知識 無量樂
 神識昏狂心倒亂 無量樂
 白汗流出手把空 無量樂
 會是知識彌陀恩 無量樂
 教令合掌念彌陀 無量樂
 五百萬劫罪消除 無量樂
 我故持華迎汝來 無量樂
 即座七寶蓮華上 無量樂
 到即直入寶池中 無量樂

七七華開得見佛 願往生
 眼目精明心得悟 願往生
 般舟三昧樂 願往生
 若非知識教稱佛 願往生
 下品中生凡夫等 願往生
 邪命說法無慚愧 願往生
 如此愚人臨死日 願往生
 地獄猛火皆來逼 願往生
 發大慈悲教念佛 願往生
 天華旋轉隨風落 願往生

觀音大勢慈光照 無量樂
 合掌始發菩提心 無量樂
 得脫三塗知識恩 無量樂
 如何得入彌陀國 無量樂
 破戒偷僧造衆罪 無量樂
 破戒因果打師僧 無量樂
 節節酸疼錐刀刺 無量樂
 當時即值善知識 無量樂
 地獄猛火變風涼 無量樂
 化佛菩薩乘華上 無量樂

行者即座天華上願往生

障重華開逕六劫願往生

般舟三昧樂願往生

下品下生凡夫等願往生

如此愚人多造罪願往生

臨終忽遇善知識願往生

刀風解時貪忍痛願往生

善友告言專合掌願往生

聲聲連注滿十念願往生

誦法闡提行十惡願往生

病者身心覺醒悟願往生

金華光明照行者願往生

乘華一念至佛國願往生

殘殃未盡華中合願往生

華內座時無微苦願往生

般舟三昧樂願往生

寧合金華百千劫願往生

觀音大勢慈光照願往生

行者得聞希有法願往生

法眼開時見佛會願往生

從佛須臾入寶池無量樂

華開始發菩提心無量樂

碎身慚謝釋迦恩無量樂

十惡五逆皆能造無量樂

經歷地獄無窮劫無量樂

為說妙法令安穩無量樂

教令念佛不能念無量樂

正念專稱無量壽無量樂

念念消除五逆障無量樂

迴心念佛罪皆除無量樂

眼前即有金華現無量樂

身心歡喜上華臺無量樂

直入大會佛前池無量樂

十二劫後始華開無量樂

超過色界三禪樂無量樂

勉入地獄座金蓮無量樂

不能地獄須臾間無量樂

徐徐為說安心法無量樂

智慧法眼豁然開無量樂

即發無上菩提心無量樂

或立或立遊行觀 願往生
身心毛孔皆得悟 願往生
自作神通入彼會 願往生
若非釋迦勸念佛 願往生
心念香華徧供養 願往生
普勸十方生死界 願往生
一入涅槃常住國 願往生
念念時中常證悟 願往生
地地慈悲巧方便 願往生
定善依經十三觀 願往生

到處唯聞說法聲 無量樂
菩薩聖衆皆充滿 無量樂
憶本娑婆知識恩 無量樂
彌陀淨土何由見 無量樂
長時長劫報慈恩 無量樂
同心斷惡盡須來 無量樂
徹窮後際更何憂 無量樂
十地行願自然成 無量樂
以佛爲師無錯悟 無量樂
一一具說莊嚴事 無量樂

定散等
四句化
上米本
枯抄出

行住坐卧常觀察 願往生
散善九品依經讚 願往生
定善下門韋提請 願往生
定散俱迴入寶國 願往生
韋提卽是女人相 願往生
厭捨娑婆求佛國 願往生
得見極樂心歡喜 願往生
五百女人同白佛 願往生
爾時世尊皆印記 願往生
釋梵護世臨空聽 願往生

常念心眼籠籠見 無量樂
一一迴向皆得往 無量樂
散善下行釋迦開 無量樂
卽是如來異方便 無量樂
貪瞋具足凡夫位 無量樂
卽現極樂莊嚴界 無量樂
更覩彌陀成法忍 無量樂
誓願同生安樂國 無量樂
同得往生證三昧 無量樂
亦同發願生安樂 無量樂

白諸已
下至頓
絕也信
未也五
抄出左

普勸有緣常念佛願往生

觀音大勢為同學無量樂

若能念佛人中上願往生

願得同生諸佛家無量樂

長劫長時佛邊證願往生

道場妙果豈為餘無量樂

白諸行者凡夫生死不可貪而不厭彌陀淨土不

可輕而不忻厭則娑婆永隔忻則淨土常居隔則

六道因亡淪迴之果自滅因果既亡則形名頓絕

也仰惟同生知識等善自思量却推受生之無際

與空性同時同時而有心識若不與空界同時有

者一切衆生即是無因而始出也心識若無本因

有者即事同木石若同木石者則無六道之因業

也因業若無者凡聖苦樂因果誰覺誰知也以斯

道理推勘者一切衆生定有心識也若有心識即

與空際同時有有若與空際同時有者即唯佛與

佛得知本元也行者等知自身心與空際同時有

乃至今身今日不能斷惡除貪一切煩惱唯覺增

多又使釋迦諸佛同勸專念彌陀想觀極樂盡此

一身命斷即生安樂國也豈非長時大益行者等

努力努力勤而行之常懷慚愧仰謝佛恩應知

般舟三昧行道往生讚一卷

183
3
218

舟
一
書

